

სახელმწიფო შესყიდვის შესახებ ხელშეკრულება N01/03

ბრალდებულთა და მსჯავრდებულთა ეკვივალენტური სამედიცინო მომსახურებით უზრუნველყოფა გამარტივებული შესყიდვა

ქ. თბილისი

4 იანვარი 2018 წელი

ერთი მხრივ, საქართველოს სასჯელაღსრულებისა და პრობაციის სამინისტრო (შემდგომში „შემსყიდველი“) წარმოდგენილი მინისტრის მოადგილის - თეიმურაზ მღებრიშვილის სახით და მეორე მხრივ, შპს „მ.ზოდელავას ჰემატოლოგიური ცენტრი“ (შემდგომში „მიმწოდებელი“) წარმოდგენილი დირექტორის - მამია ზოდელავას სახით, ორმხრივი შეთანხმების საფუძველზე, სახელმწიფო შესყიდვების შესახებ „საქართველოს კანონის მე-101 მუხლის მე-3 პუნქტის „დ“ ქვეპუნქტისა და საქართველოს მთავრობის 2017 წლის 27 დეკემბრის N2682 განკარგულების საფუძველზე ვდებთ ხელშეკრულებას შემდეგ ზე: (SMP170002760, 2018 წლის 4 იანვრის MOC 2 18 00005861 მოხსენებითი ბარათი).

1. ხელშეკრულების საგანი

1.1. ხელშეკრულების საგანს წარმოადგენს პენიტენციურ დაწესებულებებში განთავსებულ ბრალდებულთა/მსჯავრდებულთათვის (შემდგომში - „ბრალდებული/მსჯავრდებული“) გადაუდებელი, გეგმიური სტაციონარული და ამბულატორიული მკურნალობის, წინასაოპერაციო გამოკვლევებისა და სტაციონარში ყოფნისას ლაბორატორიული და სხვა საჭირო მომსახურების შესყიდვა. (CPV კოდი - 85100000 - ჯანდაცვის სამსახურის მომსახურებები).

2. შესყიდვის ობიექტი

2.1. შესყიდვის ობიექტია პენიტენციურ დაწესებულებებში განთავსებულ ბრალდებულთა/მსჯავრდებულთათვის გადაუდებელი, გეგმიური სტაციონარული, ასევე, ამბულატორიული ტიპის სამედიცინო მომსახურების გაწევა.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: 1 000.00 ლარს (ერთი ათასი ლარი და 00 თეთრი).

3.2. შესყიდვის ობიექტის (მომსახურება) ერთეულის ფასები განსაზღვრულია დანართი N1-ით, რომელიც წარმოადგენს ხელშეკრულების განუყოფელ ნაწილს.

3.3. ხელშეკრულების 3.1. პუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

4. მომსახურების ხარისხი და გარანტია

4.1. მიმწოდებელი იძლევა გარანტიას, დროული, ადეკვატური, კვალიფიციური და ხარისხიანი მომსახურების გაწევის შესახებ.

4.2. მიმწოდებელმა მომსახურება უნდა გასწიოს შემდეგ მისამართზე: ქ. თბილისი, თევდორე მღვდლის ქ. N13 - შპს „მ.ზოდელავას ჰემატოლოგიური ცენტრი“.

5. მომსახურების მიღება-ჩაბარების წესი

5.1. მომსახურების მიღება ფორმდება მიღება-ჩაბარების აქტის საფუძველზე, მომსახურების გაწევის დამადასტურებელი დოკუმენტაციის წარმოდგენის შემდგომ. კერძოდ:

ა) გადაუდებელი, გეგმიური სტაციონარული ტიპის სამედიცინო მომსახურების გაწევის შემთხვევაში:

მიმწოდებელი ვალდებულია შემსყიდველთან წარმოადგინოს შემდეგი დოკუმენტაცია:

გამარტივებული ანგარიშგაქტურა (ინვოისი), ჯანმრთელობის მდგომარეობის შესახებ ცნობა (ფორმა 100) და დანართი N2.

ბ) გადაუდებელი, გეგმიური ამბულატორიული ტიპის სამედიცინო მომსახურების გაწევის შემთხვევაში:

მიმწოდებელი ვალდებულია შემსყიდველთან წარმოადგინოს შემდეგი დოკუმენტაცია:

გამარტივებული ანგარიშგაქტურა (ინვოისი), გაწეული მომსახურების ჩამონათვალი განფასებით/კალკულაციით და ჯანმრთელობის მდგომარეობის შესახებ ცნობა (ფორმა 100). (ფორმა 100 - შესაძლოა არ იქნეს წარმოდგენილი სადიაგნოსტიკო მომსახურების მიწოდების შემთხვევაში).

5.2. იმ შემთხვევაში, როდესაც ანგარიშსწორება ხდება ისეთი სამედიცინო მომსახურების გაწევისას, რომელიც დანართი N1-ით გათვალისწინებული არ არის, ზემოაღნიშნულ დოკუმენტაციასთან ერთად დამატებით წარმოდგენილ უნდა იქნეს დეტალური კალკულაცია.

5.3. მიღება-ჩაბარებისათვის საჭირო დოკუმენტაცია მიმწოდებელმა უნდა წარუდგინოს შემსყიდველს (სამინისტროს სამედიცინო დეპარტამენტს) ყოველთვიურად, არაუგვიანეს შესრულებული სამუშაოს თვის (საანგარიშო თვე) მომდევნო თვის 10 რიცხვისა, შემდეგ მისამართზე: ქ.თბილისი, ვახტანგ გორგასლის 83^ა.

- 5.4. მიღება-ჩაბარების აქტს შემსყიდველის მხრიდან ხელს აწერს მინისტრის ბრძანებით განსაზღვრული პირი, ხოლო მიმწოდებლის მხრიდან დირექტორი ან მის მიერ საამისოდ უფლებამოსილი პირი.
- 5.5. სამინისტროს სამედიცინო დეპარტამენტის სპეციალიზირებული სამედიცინო სერვისების სამმართველოს (შემდგომში - სამმართველო) მოსამსახურე, ამ ხელშეკრულების 5.1 პუნქტით განსაზღვრული დოკუმენტაციის მიღებიდან 30 კალენდარული დღის ვადაში ამოწმებს წარმოდგენილი დოკუმენტაციის შესაბამისობას ამ ხელშეკრულებით დადგენილ პირობებთან (წარმოდგენილი დოკუმენტაციის შესაბამისობას პაციენტისთვის მიწოდებულ სამედიცინო მომსახურებასთან) და ამავე ვადაში უზრუნველყოფს მიღება-ჩაბარების აქტის პროექტის წარდგენას უფლებამოსილი პირისთვის. მიღება-ჩაბარების აქტის პროექტს ამ ხელშეკრულების 5.4 პუნქტით განსაზღვრული უფლებამოსილი პირი ხელს აწერს მისი წარდგენიდან არაუგვიანეს 5 სამუშაო დღისა.
- 5.6. სამმართველოს მოსამსახურე ამ ხელშეკრულების 5.5. პუნქტით განსაზღვრული შემოწმების განხორციელებისას, ტექნიკური ხარვეზის აღმოჩენისას მიმწოდებელს წერილობით განუსაზღვრავს 7 სამუშაო დღიან ვადას ხარვეზის აღმოსაფხვრელად. სამმართველო 7 სამუშაო დღის ვადაში ამოწმებს ხელახლა წარმოდგენილი დოკუმენტაციის შესაბამისობას. ხარვეზის აღმოუფხვრელობის შემთხვევაში, გაწეული მომსახურების ღირებულება არ ანაზღაურდება. ასევე არ ანაზღაურდება შემთხვევა როდესაც მომწოდებლის მიერ ხარვეზის გასწორების შემდგომ დაფიქსირდა ახალი ხარვეზი (მიუხედავად იმისა ხარვეზი ტექნიკურია თუ არატექნიკური).
- 5.7. სამმართველოს მოსამსახურე ამ ხელშეკრულების 5.5. პუნქტით განსაზღვრული შემოწმების განხორციელებისას არატექნიკური ხასიათის დარღვევის აღმოჩენისას, წერილობით ინფორმაციას აწვდის ინსპექტირების ჯგუფს შემდგომი რეაგირებისათვის, რომლის აქტის საფუძველზე შემსყიდველი იღებს საბოლოო გადაწყვეტილებას მიღება-ჩაბარების აქტის გაფორმებასა და ანგარიშსწორებასთან დაკავშირებით.

6. ანგარიშსწორების პირობები

- 6.1. ხელშეკრულებით განსაზღვრული მომსახურების ანაზღაურება მოხდება უნაღდო ანგარიშსწორების ფორმით ეროვნულ ვალუტაში.
- 6.2. ანგარიშსწორება სამინისტროს მიერ განხორციელდება დანართი N1-ით განსაზღვრული პრეისკურანტის ფასების შესაბამისად.
- 6.3. სამედიცინო მომსახურების გაწევის მომენტში ნოზოლოგიის ცვლილების აუცილებლობისას, ისეთი ნოზოლოგიის მკურნალობა, რომელიც დანართი N1-ით არ არის განსაზღვრული ანაზღაურდება ფაქტიურად გაწეული ხარჯის შესაბამისად.
- 6.4. სამედიცინო დაწესებულების მხრიდან ერთდროულად ორი ან მეტი ნოზოლოგიის მკურნალობისას ანაზღაურდება ძირითადი ნოზოლოგიის ღირებულება სრულად, ხოლო დამატებითი ნოზოლოგიების ღირებულება მათი საწყისი ღირებულების 50%-ის ოდენობით, გარდა კრიტიკული მდგომარეობისა.
- 6.5. ანგარიშსწორება სამინისტროს მიერ განხორციელდება მიმწოდებლის მიერ მიღება-ჩაბარების აქტის გაფორმებიდან: 10 სამუშაო დღის ვადაში.
- 6.6. დაფინანსების წყარო: სახელმწიფო ბიუჯეტი;

7. მხარეთა უფლება-მოვალეობანი

- 7.1. შემსყიდველს უფლება აქვს:
 - ა) შეამოწმოს, სამედიცინო დაწესებულების მიერ წარმოდგენილ დოკუმენტაციაში არსებული სამედიცინო მომსახურების განფასების შესაბამისობა და მითითებული ფასების თანხვედრა ხელშეკრულების დანართი N1-ში მითითებულ ფასებთან მიმართებაში, ასევე რამდენად სათანადოდ იქნა მომსახურება გაწეული სამედიცინო დაწესებულების მიერ, როგორც მომსახურების გაწევის დროს, ისე ამ ხელშეკრულების მოქმედებისა და ხელშეკრულებით გათვალისწინებული ურთიერთვალდებულებების არსებობის პერიოდში ნებისმიერ დროს.
 - ბ) არ აუნაზღაუროს მიმწოდებელს გაწეული სამედიცინო მომსახურების ღირებულება, იმ შემთხვევაში, თუ მის მიერ დოკუმენტაცია არ იქნა წარმოდგენილი ხელშეკრულებით დადგენილი წესის შესაბამისად, საანგარიშგებო თვის დასრულებიდან 2 თვის ვადაში;
 - გ) სამედიცინო დაწესებულებაში ბრალდებულის/მსჯავრდებულის გარდაცვალების შემთხვევები რევიზიის მიზნით გადაუგზავნოს სსიპ - სამედიცინო საქმიანობის რეგულირების სააგენტოს, რომლის დასკვნის საფუძველზეც განხორციელდება ჩატარებული სამედიცინო მომსახურების თანხის ანაზღაურება ან/და ანაზღაურებული თანხის უკან დაბრუნების საკითხი;
 - დ) უზრუნველყოს მისი თანამშრომლების მიერ სამედიცინო დაწესებულებაში არსებული წესების დაცვა, თუ კანონმდებლობით სხვა რამ არ არის დადგენილი.
- 7.2. შემსყიდველი ვალდებულია:
 - ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
 - ბ) სამედიცინო დაწესებულებაში უზრუნველყოს მიმწოდებლისა და მესამე პირების უსაფრთხოების დაცვა, ბრალდებულის/მსჯავრდებულის სამედიცინო დაწესებულებაში ყოფნის პერიოდში, მათ შორის, ბრალდებულის/მსჯავრდებულისათვის სამედიცინო მომსახურების გაწევის დროს.

7.3. მიმწოდებელს უფლება აქვს:

- ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- ბ) უარი თქვას მომსახურების გაწევაზე, თუ კონკრეტულ შემთხვევაში არ ექნება სათანადო რესურსი სამედიცინო მანიპულაციის განსახორციელებლად (აღნიშნული ფაქტის დადგომის შემთხვევაში, მიმწოდებელი წერილობით დაუდასტურებს შემსყიდველს მითითებულ ფაქტს 3 სამუშაო დღის ვადაში).

7.4. მიმწოდებელი ვალდებულია:

- ა) ხელშეკრულების ძალაში შესვლის მომენტიდან, უზრუნველყოს მომსახურების გაწევა შემსყიდველის მოთხოვნისთანავე;
- ბ) მომსახურება გასწიოს 2018 წლის 4 იანვრიდან 2018 წლის 1 თებერვლის ჩათვლით;
- გ) ხელშეკრულების მოქმედების პერიოდში შემსყიდველის მოთხოვნისთანავე, გაუწიოს საქართველოს სასჯელაღსრულებისა და პრობაციის სამინისტროს პენიტენციურ დაწესებულებაში განთავსებულ ბრალდებულებს/მსჯავრდებულებს პროფილის ფარგლებში სპეციალისტის საკონსულტაციო, ინსტრუმენტული და ლაბორატორიული გამოკვლევების, ამბულატორიული მკურნალობის, გადაუდებელი და გეგმიური სტაციონარული მკურნალობის, წინასაოპერაციო გამოკვლევების და სტაციონარში ყოფნისას საჭირო სხვა სამედიცინო მომსახურება, რომელიც არ არის გათვალისწინებული ხელშეკრულებით;
- დ) მომსახურება გაუწიოს შემსყიდველს, ხელშეკრულებით და დანართი N1-ით გათვალისწინებული პირობების შესაბამისად;
- ე) მომსახურების გაწევისას დაიცვას ხელშეკრულებით და დანართი N1-ით გათვალისწინებული ყველა პირობა;
- ვ) გამოკვლევის ჩასატარებლად მიყვანილ ბრალდებულს/მსჯავრდებულს სამედიცინო მომსახურება/გამოკვლევა გაუწიოს ურიგოდ, ყოველგვარი შეფერხების გარეშე, ბრალდებულის/მსჯავრდებულის და სხვა პირთა უსაფრთხოებიდან გამომდინარე, ამასთან, ბრალდებულის/მსჯავრდებულის სამედიცინო დაწესებულებაში მიყვანისას, მიმწოდებელმა უნდა უზრუნველყოს შესაბამისი პირის გამოყოფა, რომელიც დაეხმარება საბადრაგო სამსახურს სამედიცინო დაწესებულებაში დაუბრკოლებლად გადაადგილებასა და ბრალდებულის/მსჯავრდებულისთვის დროული სამედიცინო მომსახურების გაწევის ორგანიზებაში;
- ზ) ამბულატორიული და სტაციონარული მომსახურების (გაწერის) შემდგომ პერიოდში, მედიკამენტების დანიშვნის დროს უპირატესად იხელმძღვანელოს საქართველოს სასჯელაღსრულებისა და პრობაციის მინისტრის 2015 წლის 22 აპრილის N31 ბრძანებით დამტკიცებული „პენიტენციური სისტემის ჯანდაცვის ბაზისური მედიკამენტების ნუსხით“; სხვა მედიკამენტის დანიშვნის შემთხვევაში, რომელიც არ შედის აღნიშნულ ნუსხაში, შემსყიდველს უფლება აქვს, მიმწოდებელს მოსთხოვოს წერილობითი დასაბუთება ამ მედიკამენტის დანიშვნის აუცილებლობის თაობაზე.
- თ) მიმწოდებელი ვალდებულია, ბრალდებულის/მსჯავრდებულისთვის სამედიცინო მომსახურების გაწევისთანავე შეადგინოს ცნობა ჯანმრთელობის მდგომარეობის შესახებ (ფორმა 100) საქართველოს კანონმდებლობით დადგენილი წესის შესაბამისად და დალუქული ფორმით გაუგზავნოს დაწესებულების მთავარ ექიმს, საბადრაგო სამსახურის მეშვეობით;
- ი) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ;
- კ) განახორციელოს ხელშეკრულების ფარგლებში გახარჯული თანხისა და ნაშთის კონტროლი და აღნიშნული ინფორმაცია მიაწოდოს შემსყიდველს, მისი მოთხოვნის შემთხვევაში, ელექტრონული ფოსტის მეშვეობით (medical@moc.gov.ge);
- ლ) ხელი შეუწყოს შემსყიდველის თანამშრომლების მიერ უფლება-მოვალეობების შესრულებას, რათა თავიდან იქნეს აცილებული ბრალდებულის/მსჯავრდებულის მიერ გაქცევის, თვითდაზიანების ან სხვა სამართალდარღვევის ჩადენის რისკი.

8. მხარეთა პასუხისმგებლობა ხელშეკრულების დარღვევისას

- 8.1. მიმწოდებლის მიერ ბრალდებულთა/მსჯავრდებულთათვის გადაუდებელი, გეგმიური სტაციონარული და ამბულატორიული მკურნალობის, წინასაოპერაციო გამოკვლევებისა და სტაციონარში ყოფნისას ლაბორატორიული და სხვა საჭირო მომსახურების შეუსრულებლობის ან/და ხელშეკრულების არაჯეროვნად შესრულების ან/და 5.3 პუნქტში მითითებული ვადის დარღვევის შემთხვევაში, მიმწოდებელს ეკისრება პირგასამტეხლო კონკრეტულ შემთხვევაში გასაწევი/გაწეული მომსახურების 20 %-ის ოდენობით.
- 8.2. მიმწოდებლის მხრიდან სამედიცინო დოკუმენტაციაში არასწორი მონაცემების მითითების შემთხვევაში (გარდა 5.6. პუნქტით განსაზღვრული ტექნიკური ხარვეზისა), მიმწოდებელს ეკისრება პირგასამტეხლო გაწეული/გასაწევი მომსახურების ეპიზოდის 10 %-ის ოდენობით.
- 8.3. იმ შემთხვევაში, თუ პირგასამტეხლოს ჯამური თანხა ხელშეკრულების მოქმედების პერიოდში გადააჭარბებს ხელშეკრულების ღირებულების 10%-ს, მხარეებს უფლება აქვთ შეწყვიტონ ხელშეკრულება.

9. ხელშეკრულების მოქმედების ვადა

- 9.1. ხელშეკრულების მოქმედების ვადა განისაზღვრება ხელშეკრულების გაფორმებიდან 2018 წლის 30 აპრილის ჩათვლით.
- 9.2. ხელშეკრულების მოქმედება ვრცელდება, როგორც ხელშეკრულების ფარგლებში დაწყებულ, ისე ხელშეკრულების ფარგლებში დაწყებულ და დასრულებულ, ასევე, ხელშეკრულების ფარგლებში დასრულებულ შემთხვევებზე.

10. ხელშეკრულების პირობების გადასინჯვა და ცვლილებების შეტანა

- 10.1. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.2. ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 10.3. ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.
- 10.4. თუ ხელშეკრულების პირობების შეცვლის აუცილებლობა წარმოიშობა წინასწარგათვალისწინებელი მიზეზების გამო, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ. ცვლილება ხელშეკრულებაში შეტანილად ჩაითვლება ორივე მხარის მიერ ხელშეკრულების ცვლილებაზე/შეთანხმებაზე ხელმოწერის დღიდან.
- 10.5. ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

11. დაუძლეველი ძალა (ფორს-მაჟორი)

- 11.1. მხარეები არ არიან პასუხისმგებელი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები, საომარი მოქმედებები, საქონლის ან/და მომსახურების მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 11.2. ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.
- 11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა „11.1“ პუნქტიდან გამომდინარე სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 11.4. ფორს-მაჟორული გარემოების არსებობა დადასტურებული უნდა იყოს საამისოდ უფლებამოსილი სახელმწიფო ორგანოს/ორგანოების მიერ.

12. ხელშეკრულების ინსპექტირების პირობები

- 12.1. მომსახურების გაწევის შემდეგ (ან შესრულების პარალელურად) შემსყიდველი უფლებამოსილია განახორციელოს გაწეული მომსახურების ინსპექტირება, გარდა გაწეული სამედიცინო მომსახურების ხარისხისა.
- 12.2. ინსპექტირების განხორციელების შემდგომ დგება ინსპექტირების აქტი. ინსპექტირების აქტში მითითებული უნდა იყოს გაწეული მომსახურების დასახელება, ღირებულება, ინსპექტირებისას აღმოჩენილი დარღვევები.
- 12.3. ინსპექტირებისას გამოვლენილი დარღვევების შემთხვევაში, შემსყიდველი აცნობებს მიმწოდებელს გამოვლენილი დარღვევების შესახებ, რომელიც ვალდებულია, დაუყოვნებლივ აღმოფხვრას დარღვევა საკუთარი ხარჯით.
- 12.4. ინსპექტირების აქტის საფუძველზე თუ არსებობს ვარაუდი სამედიცინო მომსახურების უხარისხოდ გაწევისთან დაკავშირებით, შემსყიდველს უფლება აქვს, ინფორმაცია მიაწოდოს სსიპ - სამედიცინო საქმიანობის სახელმწიფო რეგულირების სააგენტოს, ასევე, საჭიროების შემთხვევაში, მიმართოს სსიპ - აკად. ლევან სამხარაულის სასამართლო ექსპერტიზის ეროვნულ ბიუროს. დარღვევის დადასტურების შემთხვევაში, ექსპერტიზის ხარჯებს ანაზღაურებს მიმწოდებელი.
- 12.5. ხელშეკრულებაზე ინსპექტირების განმახორციელებელი პირების ვინაობა განისაზღვრება მინისტრის ბრძანებით.

13. ხელშეკრულების შეწყვეტა

- 13.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევაში, თუ:
 - ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - ბ) შემსყიდველისათვის ცნობილი გახდა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) მიმწოდებელი ხელშეკრულებით გათვალისწინებულ პირობებს არღვევს სისტემატიურად;
 - დ) ხელშეკრულების ვადის გასვლის საფუძველზე.
- 13.2. ურთიერთშეთანხმების საფუძველზე.
- 13.3. მიმწოდებელი უფლებამოსილია ცალმხრივად, 14 დღით ადრე წერილობითი შეტყობინების საფუძველზე შეწყვიტოს ხელშეკრულება იმ შემთხვევაში, თუ წინამდებარე ხელშეკრულებით ნაკისრი ვალდებულებების შესრულება დააზიანებს მის ახლად გამოვლენილ ინტერესებს.
- 13.4. ხელშეკრულების ცალკეული პირობის მოქმედების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულებების შესრულებისაგან.

14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს მოლაპარაკების გზით.
- 14.2. შეთანხმების მიუღწევლობის შემთხვევაში, მხარეები მიმართავენ სასამართლოს კანონმდებლობის შესაბამისად.

15. ხელშეკრულების სხვა პირობები

- 15.1. მხარეები აუნაზღაურებენ ერთმანეთს მიყენებულ ზიანს, საქართველოს კანონმდებლობის შესაბამისად.
- 15.2. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის მოთხოვნათა შესაბამისად.
- 15.5. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ერთი ეგზემპლარი ინახება მიმწოდებელთან, ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

შემსყიდველი	მიმწოდებელი
<p>საქართველოს სასჯელაღსრულებისა და პრობაციის სამინისტრო</p> <p>მის: ქ. თბილისი, ვახტანგ გორგასლის N83ა, საიდენტიფიკაციო კოდი: 204564934 სახელმწიფო ხაზინა კოდი: TRESGE22 ა/ა GE24NB0330100200165022</p> <p>მინისტრის მოადგილე</p> <p>/თეიმურაზ მღებრიშვილი/</p>	<p>შპს „მ.ზოდელავას ჰემატოლოგიური ცენტრი“</p> <p>მისამართი: ქ.თბილისი,თევდორე მღვდლის N13 ტელ: 225 30 44 საიდენტიფიკაციო კოდი: 204966858 საბანკო რეკვიზიტები: სს „საქართველოს ბანკი“ ბანკის კოდი: BAGAGE22 IBAN: GE90BG000000121232700</p> <p>დირექტორი (პ/ნ: 01008004116)</p> <p>/მამია ზოდელავა/</p>



პრესკურანტი

შპს "მ. ზოდელავას ჰემატოლოგიური ცენტრი"		
გაწეული მომსახურების დასახელება	NCSF კოდი	ღირებულება
ჰემატოლოგის კონსულტაცია	ZYZX90	50.00
ჰემატოლოგის კონსულტაცია (განმეორებითი)	ZYZX90	25.00
ქიმიოთერაპიის პროცედურა	WCO123	80.00
პლაზმაფერეზი	WGX400	75.00
თრომბოციტაფერეზი	WGX404	85.00
ციტაფერეზი(აფერეზი)	WGX409	80.00
ფლებოტომია	WGX506	65.00
ძვლის ტვინის პუნქცია + ციტოლოგიური კვლევა	WGF000CT1.1	110.00
ლიმფური კვანძის პუნქცია +ციტოლოგიური კვლევა	PJXX06CT1.1	80.00
ლიმფური კვანძის ბიოპტატის მორფოლოგიური კვლევა	PM.1	70.00
ლიმფური კვანძის ანაბეჭდის ციტოლოგიური კვლევა	CT.1	50.00
ინტრათეკალური პუნქცია	ABX000	80.00
სისხლის კომპონენტების ტრანსფუზია	WGX509	50.00
ერიტროციტული მასის ტრანსფუზია	WGX500	60.00
სისხლის შემცველების ინფუზია	ZXXX20	30.00
ტრეპანობიოფსია	WGF010PM.1	160.00
გამჭოლი ტრეპანობიოფსია (ანესთეზიით)	WGF010PM.1	360.00
ელექტროკარდიოგრამა	FXF0	15.00
კარდიოლოგის კონსულტაცია	ZYZX90	30.00
სტომატოლოგის მომსახურება (სრული კურსი)	D-47	50.00
სტაციონარის საწოლდედ	ZYZA00	80.00
სისხლის საერთო ანალიზი	BL.6	20.00
სისხლის ნაცხის ანალიზი	BL.4.2	15.00
ლეიკოციტი	BL.4.1	6.00
ჰემოგლობინი	BL.1.1	6.00
სისხლის თხიერი ნაწილის ანალიზი	BL.4.2	12.00
რეტიკულოციტი	BL.2	10.00
ასპარტატამინოტრანსფერაზა (SGOT/AST)	BL.11.2.1	15.00
ალანინამინოტრანსფერაზა (SGPT/ALT)	BL.11.2.2	15.00
ლაქტატდეჰიდროგენაზა (LDH)	BL.11.1.1	15.00
γ - გლუტამილტრანსფერაზა (GGT)	BL.11.2.3	15.00
ტუტეფოსფატაზა(Alk.Phosphatase)	BL.5.6	15.00
საერთო ბილირუბინი (Tot.Bil.)	BL.10.1.1	20.00
პირდ. ბილირუბინი (Conug.Bil.)	BL.10.1.3	10.00
არაპირდ. ბილირუბინი (Indirect Bil)	BL.10.1.2	10.00

ქოლესტერინი (Chol)	BL.13.2.1	15.00
ტრეტგლიცერიდი (TG)	BL.13.6	15.00
მაღალი სიმკვრივის (HDL-C)	BL.13.7.2a	15.00
დაბალი სიმკვრივის (HDL-C)	BL.13.7.2c	15.00
ლიპიდური ცვლა	BL.13	45.00
საერთო ცილა (Total Protein)	BL.7.1	15.00
ალბუმინი (Albumin)	BL.7.2.1	15.00
ცილის ფრაქციები	BL.7.2	15.00
გლუკოზა (GLUC)	BL.12.1	15.00
DK-შედეგება	CG. 4	10.00
CRP (C-რეაქტიული ცილა)	BL.7.9.1	35.00
შარდოვანა (Urea)	BL.9.1	15.00
კრეატინინი (Creatinine)	BL.9.3	15.00
შარდმჟავა (Uric Acid)	BL.9.7	15.00
შარდის საერთო ანალიზი	UR.7	15.00
შრატის რკინა (Fe)	BL.14.5	20.00
რკინის შეკავშ. უნარი	BL.14.5.5	30.00
Na (Sodium)	BL.14.1	15.00
K (Potassium)	BL.14.2	15.00
Cl (Chloride)	BL.14.3	15.00
Ca (Calcium)	BL.15.1	15.00
Mg (Magnium)	BL.14.4	15.00
P (Posphorus)	BL.15.2	15.00
anti – HCV ანტისხეულების განსაზღვრა	MB.9	15.00
HbsAg ანტიგენის აღმოჩენა	MB.9	15.00
anti – HIV ანტისხეულების განსაზღვრა	MB.9	15.00
ვასერმანის რეაქცია	MB.4	15.00
კოაგულოგრამა	CG.7	30.00
პროთრომბინი + INR	CG.6	15.00
D-დიმერი	CG.4.2.6	45.00
სისხლის შედედების დროის განსაზღვრა	CG.1.4.1	7.00
სისხლის ჯგუფის და რეზუსის განსაზღ.	IM 12.1.2	15.00
ჰემატოკრიტის განსაზღვრა	BL.2.3.4	8.00
იმუნოთერაპია	WGX	100.00
ფერიტინი	BL.7.10.5	45.00
ჰომოციტეინი	BL.8.1	60.00
ალფა ამილაზა	BL.11.3	15.00
აზოტი	BL.9.1	15.00
ბეტა-2-გლობულინი	BL.7.5	30.00

ტრანსფერინი	BL.7.10.4	35.00
მომსახურება	კოდი	ფასი
სისხლისა და შარდის იმუნოელექტროფორეზი	IM.3; BL7.5; BL7.1	250 (ლარი)
ვიტამინი-B12 განსაზღვრა	BL16.2	60 (ლარი)
იმუნოჰისტოქიმია (ტრეპანის)	PM.3	300 (ლარი)

შემსყიდველი:

საქართველოს სასჯელაღსრულებისა და პრობაციის სამინისტრო


 თეიმურაზ მღებრიშვილი

მიმწოდებელი:

შპს "მ.ზოდელავას ჰემატოლოგიური ცენტრი"


 მამია ზოდელავა





MOC 2 18 00005861

04/01/2018

საქართველოს სასჯელაღსრულებისა და პრობაციის მინისტრის მოადგილეს,
ბატონ თეიმურაზ მღებრიშვილს

სამედიცინო დეპარტამენტის უფროსის,
თამთა დემურიშვილის

მოხსენებითი ბარათი

ბატონო თეიმურაზ,

როგორც მოგეხსენებათ, საქართველოს სასჯელაღსრულებისა და პრობაციის სამინისტრო ბრალდებულთა და მსჯავრდებულთა სრულყოფილი სამედიცინო მომსახურების მიზნით, თანამშრომლობს სამოქალაქო სექტორის სამედიცინო დაწესებულებებთან. მათ შორის არის შპს „მ. ზოდელავას ჰემატოლოგიური ცენტრი“, რომელთანაც 2018 წლიდან ჩვენი პაციენტებისათვის გადაუდებელი სამედიცინო მომსახურების გაწევის უზრუნველყოფის მიზნით, მნიშვნელოვანია ახალი ხელშეკრულების გაფორმება. იმის გათვალისწინებით, რომ ჯერ არ დასრულებულა კლინიკების მიერ მოწოდებული სამედიცინო მომსახურებისათვის განსაზღვრული ფასების კვლევა, აუცილებელია გაფორმდეს მოკლევადიანი (ლიმიტირებული) ხელშეკრულება.

გთხოვთ, დაავალოთ შესაბამის სამსახურს 2018 წლის 4 იანვრიდან უზრუნველყოს შპს „მ. ზოდელავას ჰემატოლოგიურ ცენტრთან“ ხელშეკრულების გაფორმება 1000 (ერთი ათასი) ლარის ოდენობით, რომელიც მოიცავს მომსახურების გაწევის პერიოდს 2018 წლის 4 იანვრიდან 2018 წლის 1 თებერვლის ჩათვლით.

პატივისცემით,

ცენტრალური აპარატი / სამედიცინო დეპარტამენტი
უფროსი
დემურიშვილი თამთა



საქართველოს მთავრობის განკარგულება

№2682 2017 წლის 27 დეკემბერი ქ. თბილისი

საქართველოს სასჯელაღსრულებისა და პრობაციის სამინისტროს მიერ
სამედიცინო მომსახურების სახელმწიფო შესყიდვის გამარტივებული
შესყიდვის საშუალებით განხორციელების შესახებ

1. „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად, საქართველოს სასჯელაღსრულებისა და პრობაციის სამინისტრომ „საქართველოს 2018 წლის სახელმწიფო ბიუჯეტის შესახებ“ საქართველოს კანონით გათვალისწინებული პროგრამისათვის – „ბრალდებულთა და მსჯავრდებულთა ეკვივალენტური სამედიცინო მომსახურებით უზრუნველყოფა“ გამოყოფილ ასიგნებათა ფარგლებში (პროგრამული კოდი – 27 01 02), სტაციონარული და ამბულატორიული ტიპის სამედიცინო მომსახურების სახელმწიფო შესყიდვა განხორციელოს გამარტივებული შესყიდვის საშუალებით, 2 500 000 (ორი მილიონ ხუთასი ათასი) ლარის ზღვრული ოდენობის ფარგლებში.

2. განკარგულება ძალაშია 2018 წლის 1 იანვრიდან.

პრემიერ-მინისტრი



გიორგი კვირიკაშვილი